

欽定戶部漕運全書

欽定戶部漕運全書卷七十二目錄

撥船事例

外河撥船

外河撥船

一糧船至天津額設紅撥船六百隻輪運至通
舊例每船給地十頃免其徵科康熙三十九年
題准將紅撥船隻地畝按畝徵糧卽照所徵銀
數均勻酌派於各省道庫銀內撥給運丁自雇
撥淺四十六年題定將紅撥銀兩照實在抵通
船數就近於通濟庫銀內支給仍令倉場將給
過銀兩數目造冊奏銷

一北河起撥米石向係旗丁自雇民船每多高

價旗丁苦累民船到通亦不免稅乾隆二年奏
准按照米數計程遠近定價多寡官爲立契船
戶不許額外勒索旗丁不得橫奪裝載民船運
糧到通免其徵稅如漕糧之外攜帶別貨者仍
按貨抽收

一乾隆二十二年糧船在津全數起撥應需腳
價運弁無從措辦於司庫公項銀內暫行借撥
除常例起之數令旗丁現出一半其餘一半
腳價地戶官代爲給用過銀數於來年新漕

解直歸款

一起撥漕糧小船於糧艘抵境屆期再行封禁
不得於糧船未到之先豫將商販撥船封住
一漕船過津例需起撥撥船積弊船少則高擡
價值船多則於中途延挨觀望令通永道天津
運使輪替督率稽查

一天津迤北額設催漕快船三十二隻例限十
年排造一次今查尙堪駕駛可以緩修者計船
四隻其餘二十八隻不堪撐駕在於稅課銀內

勅支給發成造

乾隆三十二年

一重運漕船行抵北河地方該管地方官辦理撥船裝載一百石以外者量爲封雇以備旗丁雇撥輪流轉運其裝載不及百石之船毋庸官爲封雇聽商民自便

乾隆四十年

一楊村撥船向備二千隻乾隆四十八年議將一百石以上至四百石以下民船大小均勻配搭每年定爲一千五百隻以資輪撥漕糧豫東二省漕艘向有自雇民船三百餘隻到通起卸

後卽留備南糧起撥之用今該二省漕米截留
此項船隻不能前來濟撥楊村之船僅七百餘
隻上年暫貯北倉之米現當轉運到橋撥船不
敷周轉將天津以南船隻責成天津道專辦派
員封雇押赴楊村其楊村以北一帶臨河州縣
應備船隻責成通永道查催並令在楊村駐守

經理

乾隆五
十年

一 本年漕糧起卸完竣所有撥船自應令其先
運北倉露囤漕米惟是秋關鹽運緊急雲貴銅

鉛等船抵津候撥者又有三百餘萬觔并有奉
省運京黑豆三萬餘石皆須待撥應將北運河
現有撥船以一半押赴北倉爲撥運露囤漕米
之用下剩一半分交長蘆鹽政並天津縣查收

應用

乾隆五
十年

一乾隆五十年九月奉

上諭據徵瑞奏向來南糧入北河後俱係官雇民船撥
運未免守候需時並致商鹽艱於輓運茲據長蘆商
人呈請捐銀三十萬兩備造撥船一千餘隻並請賞

借庫項各商按引均攤分限十年歸款如蒙俞允卽由運庫內動撥解交劉峩派員趕緊成造等語官雇民船撥運漕米最易滋弊今另造官船隨時應用民船旣可免官封商鹽亦足敷輓運且旗丁等向用撥船雖係官爲雇辦究不免小有津貼今旣有官船該丁等亦可節省浮費而該船戶於空閒時仍可攬載營生公私均有裨益已明降諭旨准行矣至徵瑞所奏請交劉峩派員成造一節此項撥船計一千餘隻所需板片木料較多直省恐不能應手卽營造工匠

亦不如江廣等省之諳習所有應造船隻卽著徵瑞
開明丈尺數目知照特成額吳垣舒常令該督撫等
於湖廣江西二省遴委委員各趕造五百餘隻以供
撥運惟明歲新漕頭二進前抵北河卽需撥船備用
約計彼時湖廣江西承造之船恐未必卽能運到並
著特成額等將此項船隻趕緊成造先得一半或三
分之一於明年二三月前卽派員送到直省應用免
致臨時又需雇用民船其餘一半仍飭迅速趕辦於
該二省漕艘開行時隨幫前抵北河庶不致遲悞至

成造此船每船一隻計用銀三百兩上下工價已屬
寬裕特成額應嚴飭承辦各員務將所用工料切實
造辦期於堅固經久不致易於損壞至應用帑項若
由長蘆解往徒滋繁費卽著特成額等各於該省耗
羨閒款等項各動支十五萬兩辦理工竣據實覈銷
其長蘆商人應歸之款仍著徵瑞按限催徵所有成
造船隻送到直省後並著劉崧交沿河州縣官小心
經管毋致貽悞此後不得再行封雇民船致滋擾累
倘有藉端擾民者著該鹽政隨時查察嚴行拿奏至

該船戶除空閒時攬載得有餘資足敷養贍應用外
其撥運漕糧銅鉛等項時如何酌給船戶水手工食
及逐年修船之處著劉綦會同徵瑞一併另行妥議
具奏將此由五百里傳諭特成額等並諭毓奇知之
欽此續據江西巡撫奏明江西應造撥船五百
餘隻今於司庫現存社倉息穀變價充公款內
提出銀十五萬兩另行存貯派員分辦限於歲
內或明正務得一半派員先行解往於開河之
前運抵臺庄其餘一半嚴飭上緊趕造專委妥

員迅速解送北河以供撥運又據湖廣總督奏
明湖廣素稱產木之區漢陽武昌長沙常德等
處物料充裕工匠駢集今湖北承辦撥船責成
漢陽武昌協同辦理湖南承辦撥船令長沙常
德岳州等府屬分領承辦如湖南先有造得船
隻卽令陸續運赴湖北停泊均於船旁刊刻某
處承造字樣湊足一半於明年二三月前派員
送到天津一帶應用其餘一半剋期趕辦於南
北二省漕船開行時隨幫前抵北河以供撥運

乾隆五

十年

一北河安設官造撥船酌給船戶水手工食及修脩各事宜經直隸總督劉綎奏准今將各條開載於後

一撥船一千二百隻俱係官爲備造應交附近沿河之天津靜海青縣滄州南皮交河東光吳橋通州武清香河文安大城任邱雄縣新安霸州安州等十八州縣分別派定以專責成每船各召募誠實船戶一名每名給與腰牌一面填

註姓名年貌住址並船隻號數造具花名清冊
所有舵工水手人等應聽船戶自行雇覓每船
以四五名爲率除撥運漕米鉛銅麥豆外其各
船空閒時均准其攬載營生四月以後卽不准
攬載遠行

一撥船於撥運閒空時准其攬載營生原爲津
貼船戶起見自不得出境遠行有悞調集將船
頭船尾畧加彩畫按子丑寅卯十二地支編列
字號自一號起至百號止於船後釘一橫板大

書某字第幾號及船戶姓名某州縣分管再用
火烙印直隸官撥船字樣庶地方官亦可隨時
稽察

一撥船原爲運而銅鉛等物亦係官項未便
遲悞所有銅鉛及奉天麥豆倘與南漕同時需
撥卽將撥船撥給一百號發交天津縣聽其分
別撥運其餘一千一百號專撥漕糧不得任意
調取

一撥船業經官爲備造足敷應用所有各處民

船自應聽其攬載商貨倘有胥役藉端需索應
聽商人船戶赴沿河州縣或道府鹽政衙門據
實喊稟

一向來撥運漕糧等項俱係民船官爲雇覓是
以所發腳價較優今旣動公項備造船隻應請
嗣後除撥運銅鉛麥豆等項仍令該運員等照
舊給發外其撥運漕糧自楊村至通州旣給該
船戶飯米一石二斗所有例給制錢六千文應
減半發給船戶三千文以爲水手人等工食并

添補蓬篙繩索之用其餘三千文扣錢一千文
存爲歲修油艙之用二千文給還旗丁則船戶
生計旣屬有資而丁力亦形寬裕如遇水勢充
裕軍船可至楊村迤北之蔡村河西務一帶起
撥則應給飯米及水腳銀兩按照水程以次遞
減

一撥船一千二百隻除新造之年毋庸油艙外
此後每歲每船酌給油艙銀五兩每屆三年酌
給小修銀二十兩卽在天津道扣存撥價內動

用由各州縣轉發各船戶自行修脩至扣存銀兩除油艙小修外如有餘存仍貯天津道庫以備添補拆造排修之用

一撥船原爲濟運自應先期調集庶免臨時周章所有幫船頭進抵濟入直日期及二進三進是否接躡北上自應令該總漕將幫數船數相離遠近預行咨報直省並徑行天津道預調撥船備用如後進幫船相距尙遠頭進漕糧約有撥船六七百隻卽敷輪撥則下剩撥船自可酌

量緩調以免守候

一撥船既經編定字號自應挨次調集於屆應
撥運之期令該督飭委楊村通判務關同知親
詣河干點驗造冊仍照所編字號挨次輪撥如
頭進漕船起撥則先調至六百號爲止俟二進
漕糧將到再行增調若有一船過遲不到卽著
落地方官查拏其撥載之米概用平斛兌收不
得擅用筲斗至旗丁應給撥價錢米每百石發
給船戶錢三千文扣修艙錢一千文其餘二十

文給還旗丁應令該督轉飭該同知通判驗明
給發毋許短少仍將所撥米數及扣存錢數按
十日一次造冊通報總督衙門並通永天津二
道查覈事竣將所扣修費錢文解交天津道庫
易銀存貯

一撥船自楊村等處撥載漕米赴通較之漕船
行走迅速自應隨到隨卸責令副丁親身押運
一俟到壩後無論軍船曾否抵通限三日內先
將撥船兌收至遲不得過五日卽令回空其起

米之遲速責成通永道報明該督及倉場一體查辦

一官造撥船原係召募船戶撐駕恐該船戶視非己物難免任意磕碰之虞責令承管撥船之各該州縣嚴飭各船戶小心照管以期經久除每年修艖外如有滲漏卽令該船戶自行粘補倘遇風火事故地方官查明如係人力難施方著免其賠補不得聽船戶任意捏報致滋弊混一撥船雖係江廣二省分造至應行大拆排造

自應仍在直省辦理以歸簡易請將所備撥船
分作三年卽以本船舊料在直省拆卸修造其
應添木料板片卽預行知會總漕將滿料軍船
抵通交卸後應行拆變者卽照估給價買畱直
省爲改造撥船之用至此項撥船應行小修之
年如次年已屆拆造則本年祇准油艙其小修
銀兩應停其給發

以上十一條均
乾隆五十年

一北河官造撥船旗丁無現錢給發或僅給一
半或祇發三四成以致抵通索找恐啟船戶偷

盜漕米之弊除食米仍由旗丁自給外其撥價
錢文應於驛站留二小建項下動撥銀十萬兩
交天津運司將商人賣鹽之錢易換運交楊村
辦漕之同知通判按船散給事竣咨會總漕在
應給旗丁項內照數扣還歸款所有應存大修
小修錢文卽由運司就近移交天津道經理至
每年漕竣其間封河三月先期守候一月此四
月內以每船三人覈計每人每日酌給飯銀五
分每船需銀十八兩現有蘆商彌補參商無著

帑項奏明按引隨課交銀二錢分五年歸款現在
逐年遵辦請卽於此項銀內每年撥出銀二萬
一千六百兩自今年爲始分作兩次給發按引
隨課加銀二錢分五年歸款完竣之後可以永
遠遵行至十年辦造卽以商交二錢銀兩作爲
商捐毋庸另籌經費

乾隆五
十一年

一撥船一千二百隻尙不敷用請再捐造船三
百隻以足一千五百隻之數應於商交二錢銀
內撥銀九萬兩作爲添造撥船之用無須商人

另行捐出仍交湖廣江西趕造備用

乾隆五
十一年

一江廣二省添造撥船三百隻原因直隸原備
撥船不敷而設今東省每年應需撥船既難預
定而直省撥運漕糧則不妨多多益善自不若
仍歸直隸與原設撥船一體在於楊村輪流備
撥一切章程均照原議辦理

乾隆五
十二年

一乾隆五十三年四月奉

上諭據劉綏奏德州境內程家莊等處間段古淺均須
起撥現分設五站輪番起撥至南糧出閘後裝載尤

重必須多備撥船始可源源接饋請將倉場所撥官船四百五十隻全行押赴德州卽照東省現辦章程按站分撥安設足數倒換等語亦祇可如所奏辦理此事上年經劉秉恬奏請將江廣撥船三百隻於東省安設備用當經降旨詢問長麟嗣據該撫覆奏東省河道淺阻臨時可以雇船零星起撥若將官造撥船畱於東省未免虛糜經費應請停止今豫東二省漕船皆因水淺阻滯雇覓撥船航延時日若彼時官造撥船留於該省豈不可以剋期齊集何待紛紛調

撥臨時周章此事皆係長麟不能通盤籌畫以致貽
誤今看此情形東省撥船竟不可少著傳諭何裕城
甯霖等於江西湖南卽先動項各造撥船一百隻務
於冬底春初派員送到東省以期應用所有此項撥
船工料價值及運送之費俱罰令長麟按數賠繳其
撥船解到後應如何分交沿河州縣收管暨酌給經
費之處並著長麟按照直省原定章程妥議具奏欽
此

一乾隆五十三年五月奉

上諭前因東省撥船竟不可少已諭令湖南江西兩省
造撥船二百隻送至東省安設應用本日據巡漕御
史和琳奏衛河古淺之處較多且自臨清以至德州
水程四百餘里撥船二百隻不敷應用從前造送直
隸撥船每隻裝米三百石喫水三尺餘寸仍不能湔
行此次新造撥船請較定制節減寬長以二百隻工
料勻造三百隻每船可裝二百石以外絳輓旣覺輕
便工價有減無增等語所奏甚好撥船爲遇淺起撥
而設期於迅速遄行原以輕便爲貴且據和琳奏節

減寬長以二百隻之費改造三百隻工價仍屬相仿是費不增而應用寬裕自應如所奏辦理著傳諭何裕城浦霖卽照從前所造撥船丈尺酌量收小勻造一面估計具奏一面卽動項辦理每省各造一百五十隻於冬底春初送至東省安設其工料一切仍照前旨著落長麟賠繳將此由四百里傳諭何裕城浦霖并諭和琳知之欽此

一東省安設官造撥船酌給船戶水手工食及歲修經費各事宜經山東巡撫長麟奏准今將

各條開載於後

一新造撥船三百隻分爲五站每站安設船六十隻分交附近之德州恩縣武城夏津臨清等五州縣分管備用至稽查彈壓各事宜糧道專劄德州耳目易周白應專其責成所有船戶等應領工食亦卽令糧道按月支放如遇四五月間糧道押運北上卽交德州經管倘有剋扣等弊該管上司據實叅辦

一直省撥船每船額設水手五名長年雇覓今

山東撥船節減寬長船身收小繹輓較易每遇起撥之時添雇水手自應每船減去二名至空閒時仍設船戶一名經管至水手每二船祇給一名足資看守卽船戶遇有事故尙有水手可以責成令將額雇船戶水手給與腰牌填註姓名籍貫取具鄰族甘結造冊送部並責令地方州縣領運千總各將添雇水手及撥運幫船米數分詳藩司糧道以憑稽覈倘有捏報浮銷立即轉詳叅處

一東省撥船照依直省章程亦將船頭船尾彩
畫編列字號註明山東官撥船字樣按各該營
分添派武職隨時稽查彈壓倘有船戶人等不
法滋事卽將該管文武各官一併查叅

一東省撥船遇淺則撥過淺仍卽歸船每撥米
一色斗僅得制錢一文空閒之日又無別項可
以攬載計其所得之價不敷養贍自應酌給工
食以資用度今每名每日給銀八分按撥運及
空閒月日覈計每年應需工食銀二萬五百二

十兩又大修小修應需銀一千八百兩卽以山東長蘆二處商人願捐閩省軍需備用未經起解銀二十五萬兩發解東商酌以一分起息內將十九萬兩所得息銀作爲船戶水手工食大修小修之用年終覈實報銷其餘銀六萬兩應得息銀爲嗣後一切經費之用

一東省撥船旣得船身收減一切費用自可節省未便照直省章程每船給銀二十兩應每船酌減銀五兩以十五兩爲額令糧道專司承辦

如有餘剩覈實造報至大修拆造年分於應修之前一年先由糧道確估料價詳委妥員前赴料賤處所如數採買運回配造並令糧道督率辦理仍將用過工料價值事竣據實報銷至小修之年如次年已屆拆造應令查照直省章程將小修銀兩一體停其支給

一東省船戶水手既經定有工食則油艚繩索等項卽可以所得撥費自行充辦應仍循舊例每撥米一筥斗給錢一文卽以所得錢文令該

船戶等自行收領以爲油艚繩索之用令分管
州縣於糧船未到之先督率船戶詳加修艚再
令糧道逐船查驗取具無悞印結送部查覈

一官造撥船原當慎重保護以期久遠應用應
照直省章程令承管撥船之州縣嚴飭各船戶
小心照管倘有滲漏責令該船戶隨時粘補如
有拐逃情事令出結之地鄰等繳賠船價官爲
打造如地鄰人等實在力不能完卽將地鄰治
罪船價著落該管州縣代賠仍行議處倘遇風

水冲擊實在人力難施令船戶報明地方官謹
加看驗取結報部詳明在於修費項下酌量動
支修補仍專案報部備查如有捏報浮銷等弊
即將出結之州縣及該管之糧道分別嚴叅

以上

七條均乾隆

五十三年

一直隸運漕撥船一千五百隻係長蘆商人於
乾隆五十年五十一年兩次捐造初次捐銀二
十八萬二百餘兩二次在商捐項下撥銀九萬
兩共捐銀三十七萬餘兩又船戶守凍守撥各

給與津貼銀十八兩每年商人另捐津貼銀二萬七千兩嘉慶元年屆滿十年排造之期照上次軍機大臣原議在直隸分年排造每隻實需銀二百五十兩較上屆由江廣成造每隻工料銀二百三十餘兩運費銀四十餘兩統計尙有節省計共需銀三十七萬五千兩除天津道庫存貯油艖銀七萬一千餘兩尙需銀三十萬四千兩照上次借領藩庫銀兩造船例案暫留蘆東現交城工

帑利應撥解直隸山東藩庫銀二十六萬兩
商人領借之款與道庫積存銀七萬一千餘兩
按年發交地方官打造新船其不敷銀四萬四
千兩卽令商人等添捐足數自嘉慶二年起卽
照上次之例分作十年每年捐銀三萬四百餘
兩下次十年造船之期卽將此項輾轡周轉令
商人等常川捐輸歸款亦毋庸另籌墊款其
朽舊船仍歸商人具領至津貼飯銀木爲守凍
而設今漕運較早儘可攬載營生原定銀十

兩酌減銀六兩祇給冬月守凍銀十二兩

嘉慶元年

一直隸酌給撥價油艙銀兩於乾隆五十一年

奏請動撥藩庫銀十萬兩移交運司即將商人

賣鹽錢文隨時易換運交楊村辦漕同知通知

散給事竣咨會總漕在應給旗丁項下扣還解

直歸款嗣據該督以此項銀兩已於乾隆五十

七年據商人王得宜等以各地賣鹽錢文與

甚遠難以預運且船戶衆多非商人所能經

改歸地方官承辦所有各省解還撥價銀兩

解道庫毋庸再解運庫等因戶部以前項應放
應解撥價油艚銀兩係奏准飭交商人換錢散
給仍令照舊辦理並令原議辦漕之楊村同知
通判實心經理

嘉慶
元年

一山東省安設撥船三百隻乾隆五十三年由
江廣二省成造運東自五十四年起扣至嘉慶
三年新漕完竣十年限滿每船給銀二百兩作
爲定額責成德州等五州縣成造仍由糧道督
率稽查所需工料銀兩在於商捐撥船經費節

省項下動支俟事竣覈實報銷

嘉慶三年

一湖廣道御史朱紱奏請裁汰官撥仍照舊例聽丁自雇民船一摺欽奉

硃批倉場侍郎議奏欽此嗣經倉場以南糧重運因北運河淺阻必須起撥分載方能抵通向來原准旗丁自雇民船分載卽現在亦未嘗禁其自雇實緣需船多而應雇者少旗丁無處雇覓遂致官爲封雇嗣因封雇民船又多擾累故設立官撥自設立官撥一千五百隻卽停止封雇而民

船得以聽便迄今客貨商鹽均資利益應請仍用官撥以爲有備無患如果旗丁等間有自雇民船無需官撥者亦聽其自便仍嚴飭該丁等隨到隨撥不許稍有延緩

嘉慶四年

一淮關捐造撥船三百隻酌給經費案內借撥司庫銀五萬兩交兩淮商人營運以一分起息每年得利息銀六千兩除支放撥船油艖歲修等項四千五百兩外餘贖銀一千五百兩每年起解河庫以備風船補造之用再借銀四萬兩

一併交商營運每年所得息銀四千八百兩以
十年計算得息銀四萬八千兩將原本歸還卽
將息銀作本以濟撥船經費自乾隆五十四年
正月起到嘉慶三年十二月止十年限滿將原
領本銀九萬兩繳還司庫其現貯息銀四萬八
千兩遵照原行發交該商營運仍將每年所繳
利銀移交河庫查收備用至從前四次遇閏加
增利銀三千六百兩仍令隨同原本移交江寧
藩庫查收嗣後逢閏之年卽照此案辦理

嘉慶
四年

一戶部右侍郎額勒布條奏南北丁役情形一摺奉

旨著交直隸總督等分別妥議具奏等因欽此嗣據漕運總督直隸總督先後奏到奉

旨戶部議奏欽此經戶部以漕督鐵保議將前項官撥船隻全行裁撤與侍郎額勒布原奏相符自係爲卹丁起見但直隸總督顏檢奏稱每年南漕擁集之際撥船不敷輪轉尙須添雇民船今若將撥船裁汰恐民船一時難得如許之多又恐

胥役等藉端滋擾貽累商旅是因卹丁而或致累民誠不可不爲慮及且恐雇覓不敷有誤漕運仍不免於累丁應請將官撥船隻仍舊設立毋庸議裁至該護督請將大城霸州等七州縣原管撥船改歸通州等十一州縣就近分管務選有身家之人出結承充仍令船戶十人連名互保造冊存案其承辦船隻及每年油艚等事一併著落經管州縣實心經理旗丁等向來所給船戶食米應照時價折給錢文不許顆粒上

岸以杜影射偷米并令各幫旗丁自派副丁在
船看管米石不得僅使船戶押載所有押空干
總於本幫起撥後押令本幫撥船尾隨前進以
上各款均如所奏辦理
嘉慶五年
一黃河口至臺庄一帶由漕督奏明令旗丁自
備撥船三百隻於民船旗丁兩有裨益
嘉慶六年
一嘉慶六年漕運總督鐵保奏修理楊村官撥
事宜欽奉

諭旨楊村官撥船多有破爛應卽大加修補從前承修

各員並不認真修艖以致損壞亟應及時著落修補但此事若專交楊村通判一人承管該署通判劉寶第或知以公事爲重將來陞調後設經手之員又復因循廢弛於公事仍屬無益著陳大文會同鐵保安爲商酌或派天津道府各員經管一面督同該通判將應大修小修等項船隻一律認真修艖務期工堅料實不得仍前草率等因欽此

一直隸總督陳大文等查明直隸官撥船一千五百隻內除天津縣撥運銅鉛船一百隻外楊

村撥運漕船一千四百隻內從前有冰凌碓散
不堪應用船四十九隻六年遇水冲淌船九十
一隻其餘船隻亦多磕碰擊損已飭天津道府
督同楊村通判天津縣分別修理所需工料動
用六年修艚銀兩無須另動正項倘有不敷卽
著落從前修艚不堅之州縣賠補其碓散冲失
各船將所領修艚工料銀兩雇覓民船補數俟
嘉慶十年排造新船再行停止並令天津道當
堂散給船戶工食銀兩又另議章程六款一併

開後

一直隸撥船一千五百隻從前原議分派通州等十八州縣經管嘉慶五年奏請就近改歸南北運河通州等十一州縣分管今查南運河各州縣仍有距楊村稍遠者請將此項船隻除天津縣原留銅鉛船一百隻其餘撥船一千四百隻分歸濱臨北運河天津縣六百隻武清通州各四百隻就近經管起撥時責令楊村通判彈壓其中原有不堪應用船隻責令從前經管州

縣雇募堅固民船分送備用如有推諉卽將該
州縣嚴行叅處

一撥船船戶向來並無統率難保無盜米棄船
逃逸情事今請每十隻設立小船頭一名稽查
每百隻設立大船頭一名總管均選擇誠實妥
人充當嗣後遇有船戶偷米發覺卽著落該管
州縣照數賠補並將船頭船戶分別治罪

一現在官撥各船戶領駕有年其中雖多無賴
窮民亦有誠實可信之人應飭令通州等三州

縣於查收船隻時將船戶細加察看該船戶果係土著船隻完固卽取連名互結仍令領駕其非土著同幫船戶不肯保結船身又復破爛及不願充當者均出現管州縣另募安人取結充當

一撥船各戶無事時向攬載營生以資口食但包載遠出或卸載遲延不能依限赴楊應於撥船空閒時祇許在北運河一帶攬載客貨不得越過津關亦不許在外久延並責令天津鹽政

嚴飭稽查毋使南下儼船戶不小心撐駕以致
破損將船戶船頭一併斥革卽著落選擇船戶
不慎之州縣修理完固

一官撥船隻責成楊村通判經營但每年修艚
船隻至一千四百隻之多若委交楊村通判一
人經管工匠旣難畢集稽察亦恐難周應將修
艚銀兩由天津道府督同分管之天津等三州
縣當堂給發責成該州縣實心經理並令天津
道府東路同知就近督辦楊村通判往來稽查

如有偷減剋扣等弊卽行分別叅辦

一撥船年滿上年係天津一縣承辦但船數旣多不無草率嗣後排造之期各歸分管三州縣成造以專責成儻有破損卽令承辦之員照數賠造以示懲儆

以上各款於嘉慶六年奉

旨議准

一黃河口至臺莊一帶旗丁自備撥船二百隻應需造費銀兩浙江各幫在於

恩借初二兩限銀內暫行借給仍於各幫調劑漕費錢
內按數易扣還款至江安蘇松湖南湖北在於
存公津貼等項銀內動給並於各丁名下分作
三年歸款江西省於各丁應領新增一半腳耗
銀內儘數扣還至應需歲修銀一千二百兩就
江南通省攤派每年每船該銀三錢七分零各
於存公四兩款內動支解淮應用毋庸逐年攤
派以昭簡便

嘉慶七年

一直隸官撥船戶每百石例得飯米一石二斗

業據直督奏准照市價折給錢文雇募民撥事
同一律其食米一併折給錢文又山東協運豫
糧撥船旗丁應給船戶食米亦併折給錢文

嘉慶

七年

一直隸撥船修艚遲誤經倉場侍郎達慶等據
實參奏欽奉

諭旨武清縣知縣朱杰東路同知莫景瑞均著革職通
州知州潘仁天津道蔡齊明一併交部嚴加議處莫
景瑞朱杰俱已革職若聽其回籍轉得置身事外所

有此項撥船仍令幫同修理其修理之費不准開銷
卽著蔡齊明莫景瑞潘仁朱杰四人分別賠出統俟
辦竣後再行奏聞欽此嗣因武清縣朱杰辦賑得宜
東路同知莫景瑞到任不及一月復奉

恩旨俱改爲革職留任天津道蔡齊明通州知州潘仁
亦照部議降級留任該員等當將撥船俱一律
修竣完竣又奉

諭旨此項撥船該州縣等未能及時修理本應著令如
數分賠姑念上年漕務尙無貽誤現據委員覆驗船

俱堅固所有修理撥船工料著加恩准其於旗丁扣繳油艚項下支銷六成其餘四成卽著落朱杰潘仁

莫景瑞蔡齊明照數分賠欽此

嘉慶八年

一黃河口至臺庄一帶旗丁自備撥船三百隻

按江浙江廣各幫船隻計算每隻應扣造費銀

八兩四錢奏明在於各幫調劑項下分作三年

歸還所有浙江省應扣初限銀兩係於各丁漕

費錢內易銀歸款但錢價長落不齊蘇松等屬

係於各丁新運錢糧內查扣所有浙江省應扣

二限銀兩亦於新運錢糧內按數查扣

嘉慶八年

一黃河口至臺莊一帶安設官撥船三百隻分
交山陽清河二縣收管章程開後

一山陽清河二縣各經管撥船一百五十隻查
照直省之例每船額設船戶一名令該地方官
遴選有身家之人出結承充給與腰牌填註姓
名年貌籍貫住址及船隻號數以杜頂冒并令
該船戶十人連名互結造冊存案於開印前齊
集水次以免遲誤俟撥漕完竣即將起止月日

造冊送部至漕竣後各該撥船攬載客貨並令查照直省章程酌定界限立法稽查

一總漕議覆撥船添雇水手案內糧船行抵黃河無須起撥之時撥船戶自給水手飯食錢四十文與旗丁無涉如須起撥旗丁每石給錢八文其飯米隨時按名給米一升戶部咨覆准行一撥船齊集水次由總漕親率員弁逐加查驗點收并令於漕竣後交山陽清河二縣經管此外不准另撥差遣以免損失又前項撥船起撥

時猝遇風浪致有沉溺著落該幫賠修至船戶人等若視爲官撥並不小心駛馭以致沈溺損壞應歸地方官著落船戶賠修究治設有捏報失風及盜賣情事卽提船戶追賠究處其一切器具錨纜責令船戶隨時粘補不得另請開銷以上各款於嘉慶九年咨部酌定

一山東額設官撥船二百隻不敷應用奏請添雇民撥二百隻欽奉

諭旨該省應備撥船向祇官撥三百號嗣後四五兩月

水小之時令沿河各州縣預雇民撥三百號照給官
撥工食銀數所費不過四千餘兩卽著鐵保與藩司
籌款動撥准其作正開銷至北衛河古淺處所應飭
令糧道於春初冰泮糧船未到之先親往查勘於各
淺處所本有淺夫之外多集民夫認真撈漚其應用
夫價數百兩亦著准其照例開銷欽此

嘉慶九年

一嘉慶十年江西巡撫秦承恩奏江西起運帶
徵并採買米石額運漕船不敷灑帶請借項成
造撥船起運一摺欽奉

諭旨該省本年有帶徵及採買米石除灑帶外餘米仍
多若全雇民船不特糜費亦恐於商民未便著往其
造辦撥船帶運米石所費銀兩並往其每船酌借銀
一百兩分作八年坐扣還款以示體卹欽此